


# Ka Baibl na ka bynta ki Khyannah ka wanrah



Ka Bneng,  
Ka İing  
Itynnat  
jong U Blei



La thoh da: Edward Hughes

La dro dur da: Lazarus  
Alastair Paterson

La shim kyliang da: Sarah S.

La pynmih da: Bible for Children  
[www.M1914.org](http://www.M1914.org)

©2021 Bible for Children, Inc.


License: Phi don ka hok ban copy lane ban shon ia kane  
ka jingathuhkhana, lada phim die ia ka.

Haba U Jisu u la im ha kane ka pyrthei, U la iathuh  
ia la ki synran shaphang ka Bneng. U khot ia ka, "Ka  
İing jong U Kpa jong nga," bad U la ong ba don  
shibun ki kamra hangta. Ka iing  
kaba heh bad ba-itynnat.

Ka Bneng ka long kaba  
kham heh bad kham  
itynnat ban ia kano  
kano ka iing ha  
ka pyrthei.



U Jisu u la ong, "Ngan leit ban pynkhreh ka jaka ia phi. Bad haba nga leit bad khreh ka jaka ia phi, ngan wan pat sa shisien bad pdiang ia phi ha lade hi." U Jisu u la leit sha Bneng, hadien ba u la mihpat na ki baiap. Katba ki synran jong U ki dang iakhmih, la shim noh ia U Jisu sha jrong, bad u lyoh u la pdiang ia U na ka jingiohi jong ki.




3

Naduh kata keiñ, ki Khristan ki la iaikynmaw ia ka jingkular jong U Jisu ba un sa wan pat bad shaw ia ki. U Jisu u la ong ba un sa wan pat shen shen, ha ka por bym poi pyrkhath. Hynrei, kumno pat shaphang ki Khristan kiba la iap noh ha shuwa ba un wan? Ka Baibl ka ong ba ki leit beit ban don bad U Jisu. Ban ym don shuh ha kane ka doh ka dei ban


don lem bad U Trai.

KA  
JINGDON RYNGKAT  
LEM BAD U TRAI




4

Ka Kitab Jingpynpaw, ka kitab bakhatduh ha ka Baibl, ka iathuh ia ngi haduh katno ka Bneng ka long ka baphylla. Kata kaba phylla tam ka long, ha ka rukom kaba kham kyrpang eh, ba ka Bneng ka dei ka iing jong U Blei. U Blei u don ha ki jaka baroh, hynrei, ka khet jong U ka don ha Bneng.



5

Ki angel bad kiwei pat ki jingthaw bakynja bneng ki mane ia U Blei ha Bneng. Ka long kumta ruh, baroh ki briew jong U Blei kiba la iap bad kiba la leit noh sha Bneng. Ki iarwai ia ki jingrwei iaroh bakyrpang ia U Blei.




6

Kine ki long katto katne ki kyntien na kawei ka jingrwei ba ki iarwai: ME LONG UBA DEI EH, NAMAR ME LA SIEWSPAH IA NGI HA U BLEI DA LA KA JONG KA SNAM, NA KAWEI PA KAWEI KA JAIT BAD KA KYNJA BYNRIEW, BAD ME LA PYNLONG IA NGI KI SYIEM BAD KI LYNDOH HA U BLEI JONG NGI.



7

Ki sla bakhatduh jong ka Baibl ki batai shaphang ka Bneng kum "Ka Jerusalem Bathymmai". Ka long kaba khraw shikatdei eh, kaba don ka kynroh bajrong shabar jong ka. Ka kynroh ka la long da u mawkordor Jasper, kaba sngur kum u mawleiñ. Ki mawlynnai bad ki mawkordor ki tap ia ka nongrim jong ka kynroh, ka phyrnai thaba da ki rong kiba itynnath shibun. Ia kawei pa kawei ka khyrdop jong ka nongbah la thaw na uwei u mawkordor bakhraw eh!




8

Īa kine ki khyrdop mawkordor bakhraw ym ju khang. Īa ngin leit rung shapoh bad khmih sawdong ... WOW! Ka Bneng ka long kaba kham itynnat shuh shuh ha kaba shapoh jong ka. Īa ka nongbah la shna da ka ksiar nylla, kum ka jingsngur jong ka ĩit. Wat ĩa ki surok la shna da ka ksiar.




9

Ka wah ka jingim, kaba itynnat bad basngur ka tuid na ka khet ka jong U Blei. Ha kawei kawei ka liang jong ka wah la don u dieng jong ka jingim, ĩa uba la shem nyngkong eh ha ka Kper Eden. Une u dieng u long uba kham kyrpang. U pynmih khat-ar tylli ki soh ki bapher bapher, uwei uwei u jait soh ha uwei uwei u bnai. Bad ki sla jong u dieng ka jingim u long na ka bynta ka jingpynkhiah ĩa ki kynja bynriew.



10

Ka Bneng kam donkam ĩa ka sngi lane ĩa u bnai na ka bynta ka jingshai. Ka burom ka jong U Blei ka pyndap ĩa ka da ka jingshai baphylla. Hangta ym don kano kano ka miet.



11

Wat ki mrad ha Bneng ki long kiba pher. Ki long baroh kiba la pynjuh bad kiba sngewtynnat. Ki suri bad ki khun langbrot ki ĩabam phlang. Wat ki sing ki bam skum kba kumba long u masi. U TRAI u ong, "Kin ym pynmysaw lymne pynjot ha baroh u lum bakhuid jong Nga."



12

Katba ngi phai sawdong, ngi ĩohi ba don kiei kiei ki bym don ha Bneng. Ym ĩohsngew ĩa ki kyntien bitar. Ym don mano mano ba ĩashoh ĩadat lane kiba pyrkhath tang ĩa lade. Ym don ki tala ha ki jingkhah bah, namar ym don nongtuh ha Bneng. Ym don kino kino kiba lamler, ki nongpynĩap briew, ki nongleh byrtong, lane kiwei pat ki briew bymman. Ym don kano kano ka jait pop ha Bneng.



13

Ha Bneng lem bad U Blei, ym don suh ki jingjaw ummat. Hateng hateng, ki briew jong U Blei ki ĩam namar ki jingsngewsih bakhraw ha kane ka jingim. Ha Bneng, U Blei un ĩiad noh ĩa ki ummat baroh.



14

Lymne, ym don shuh ka jingiap ha Bneng. Ki briew jong U Blei kin ïai don junom bad U Trai. Ym don shuh ka jingsngewsih, ym don shuh ka jingiam, ym don shuh ka jingshitom. Ym don shuh ka jingpang, ym don shuh ka jingiakhlad, ym don shuh ka jingleit on tep. Iwei pa iwei baroh ha Bneng i kmen junom bad U Blei.




15

Ka babha tam na baroh, ka Bneng ka long na ka bynta ki khynnah shynrang bad kynthei (bad ïa kiba la san kumjuh) kiba la ngeit ha U Jisu Khrist kum U Nongpynim jong ki bad kiba la kohnguh ïa U kum U Trai jong ki. Ha Bneng ka don ka kitab ba la khot kyrteng "Ka Kitab ka Jingim jong U Khun Langbrot". Ka dap da ki kyrteng jong ki briew. Hato phi tip ïa ki kyrteng jongno la thoh hangta? Baroh ki briew kiba buh ïa ka jingshaniah jong ki ha U Jisu. Hato ka kyrteng jong phi ka don hangta?



16

Ki kyntien bakhatduh ha ka Baibl shaphang ka Bneng ki long ka jingkhoh sngewbha baphylla. "Bad U Mynsiem bad ka nongleit kurim ki ong, 'To wan!' Bad ai ba mano mano ba ïohsngew, in ong, 'To Wan!' Bad ai ba mano mano ba sliang, in wan. Bad mano mano ba thrang, ai ba in wan ban dih ei ïa ka um ka jingim."



17

Ka Bneng, Ka ïing Itynnatt jong U Blei

Ka jingiathuhkhana na Ka Ktien U Blei, ka Baibl,

la shem ha

Ïoannis 14; 2 Korinth 5;  
Jingpynpaw 4, 21, 22

"Ka jingrung Ki Ktien jong Me ka ai jingshai."  
Salm 119:130

18

Ka Bakut

60

60

19

Kane ka jingiathuhkhana na ka Baibl ka ïathuh ha ngi shaphang U Blei jong ngi U baphylla, uba la thaw ïa ngi bad uba kwah ïa phi ban ithuh ïa U.

U Blei u tip ba ngi la leh ïa kiei kiei ki basniew, kiba U khot "Ka Pop". Ka jingpynshitom ïa ka pop ka dei ka jingiap, hynrei, U Blei u iei ïa phi haduh katta katta, ha kaba U la phah ïa la U Khun ba tang marwei jong U, U Jisu keiñ, ban shahiap halor Ka Diengphna bad ban shah pynshitom na ka bynta ki pop jong phi. Nangta pat, U Jisu u la mihtat bad U la kiew noh sha Bneng! Lada phi ngeit ha U Jisu bad kyrpad ïa U ban map ïa ki pop jong phi, Un leh kumta! Un wan bad shong hapoh jong phi mynta, bad phin ïai im junom bad U.

Lada phi ngeit ba kane ka dei ka jingshisha, ong ïa kane ha U Blei: Jisu baieit, nga ngeit ba me long U Blei, bad ba me la wan long briew ban ïap na ka bynta ki pop jong nga, bad mynta me im pat. Sngewbha wan hapoh ka jingim jong nga bad to map ïa ki pop jong nga, khnang ba ngan lah ban ïoh mynta ka jingim bathymmai, bad kumta ha kawei ka sngi ngan sa ïoh leit bad long lem bad me junom. To ïarap ïa nga ba ngan lah ban kohnguh ïa me bad ban im na ka bynta jong me kum i khun jong me. Amen.

Pule ïa ka Baibl bad ïakren bad U Blei man la ka sngi! Ïoan. 3:16

20